

BALEKODI BA DIPUKU BA KA KHASTOMS BA PELENG BA GOLEGILWE BAKENG SA MANYOFONYOFO

Pretoria, Labobedi, 14 Mei 2019 – Balekodi ba dipuku ba babedi ba ka Khastoms ka SARS ba hweditše kahlolo ya kgolego thwii ya mengwaga ye merago bakeng sa manyofonyofo ka Durban bekeng ya go feta, ka la 9 Mei 2019

Pranesh Maharaj go tšwa ka La Mercy le Reuben Moodley go tšwa ka Newlands West bobedi bo hweditšwe thwii ba swere pipamolomo ya kheše ya R100 000 ka gare ga dienfelopo tše sotho ka dipotleng tša bona tshepetšong ya dipuruputšo tša maphodisa ka Matšhe 2018.

Balekodi ba babedi ba dipuku ba amogetše gore ba ile ba romela tsebišo go rakgwebo wa go tsebega kudu wa ka KwaZulu-Natal ka Feberware 2018, gomme ba mo eletša ka ga bolekoedi bjo bo sa tlo dirwago bja dikhamphani tšeo a bego e le molaodi. Ka nako ya kopano ya tatedišo, ba ile ba goketša pipamolomo ya R200 000 go tšwa go yena “nepo e le go timeletša mathata a gagwe a motšhelo”.

Ka moragonyana letšatšing leo, Maharaj o ile a ikgokaganya le rakgwebo yoo, a mo kgopela tefelo ya pele ga nako ya R10 000, yeo a ilego a e amogela. Maharaj ga se nke a botše Moodley ka ga peakanyo ye, goba go abelana tšhelete le yena.

Le ge go le bjale, rakgwebo o ile a bega molato wo maphodiseng. Sephetho se ile sa tšewa gore maphodisa a beye

molaba go ya ka karolo 252A ya Molao wa Tshepetšo ya Bomenetša. Rakgwebo o ile a fana ka kheše, yeo e ilego ya arolwa ka dienfelopo tše pedi, enngwe le enngwe e swere R100 000.

Maphodisa a ile a phuthuma bagononelwa ka ge ba be ba leka go sepela, morago ga ge rakgwebo a ba file dienfelopo ka lefelong la go paka difatanaga la Panka ya Standard, ka go Lekala la Kingsmead ka la 2 Matšhe 2018, ka ge go be go beakantšwe magareng ga bona.

Kgorotshoko ya Selete ya ka Durban le yona e ahloletše balekodi ba babedi ba dipuku mengwaga ye mebedi ya tlaleletšo kgolegong, gomme ba fegwa ka mabaka bakeng sa mengwaga ye mehlano. Maharaj o ikgafile go lefelamorago R10 000 yeo a e lefetšwego ke molefela motšhelo.

Bobedi ba ile ba itokolla mošomong ka nako ya tshepetšo ya thupišo ya SARS ka Agostose 2018.

Khomišinare wa SARS Edward Kieswetter o amogetše kahlolo, gomme a tlaleletša ka gore ga go na sekgoba sa bašomi ba go se tshephagale ka SARS.

“Re na le kgotlelelo ya lefela (zero) bakeng sa go se tshephagale le go se tlhomphe molao. Ka ge re tšwelapele go tseleng ya go bušetša setšo sa botshephegi le tirelo e kaonekaone setheong sa rena, re rata go tiišetša go badudi gore SARS e tla tšea magato a šoro kgatlanong le bašomedi bao ba kekago tshephagalo ya setšhaba,” a realo.